

TE NENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 3

Mati 1936.

Mat. 30.

*Teie ra ta'u parau, E haapao i ta te Varua ra, e eiaha e faa-
tupu i to te tino ra hinaaro. Hinaaro e hoi to te tino i to te Va-
rua, e to te Varua ra i to te tino; e ore hoi raua e au; i ore i
tia'i ia outou ia rave i ta outou i hinaaro ra. Galatia 5:16-17.*

Te Varua Parau Mau.

E MEA pinepine tatou i te faaroo i te parau no ro-
to mai i te vaha o to te tahi mau haapaoraa ê,
tei na ô mai: *Tei ia matou te Varua Parau Mau, e na te rei-
ra e aratai ia matou na te e'a parau-tia. Te na ô maira te
tahi: Ia faaroo nou ia Iesu e farii ratou i te îraa o te hana-
hana. Area ra, noa'tu i ta ratou parau e i ta ratou mau haa-
piiraa, ua papaihia te hoê parau i roto i te evanelia a Ioane
tei faahapa i ta ratou mau haapiiraa e to ratou tiaturiraa.
Te na ô maira Iesu i ta'na mau Aposetolo, na mua rii i to'-
na poheraa: *E rave rahi â ta'u parau ia parau atu ia outou,
eita râ e tia ia outou i teie nei. Ioane 16:12.**

E maere rii paha tatou i te mea e, aita te mau Aposetolo i ite i te auraa o te tahi mau mea ta Iesu i haapii ia ratou, no te mea ua haere ratou na muri Ia'na i to'na mau haereraa, e ua ite mata ratou i te mau Semeio ta Iesu i rave. A haamana'o ra tatou e, te Semeio no te haapapuraa i te parau mau, eiaha no te haapiiraa'tu. Ua tia ia roaa mai ia ratou i te ite, no te Evanelia, na roto i te faaroo, mai ta Paulo i parau mai: *E haerea faaroo hoi to matou, e ere i te haerea ite mata. II Korinetia 5:7.* Ua pee te mau Aposetolo ia Iesu, no te mea ua ite mata ratou ia'na, eiaha no to ratou faaroo ia'na.

Ia mahiti mai te hoê tamarii no roto mai i te haapiiraa teitei, e mea tia ia haamata oia i roto i te haapiiraa haehaa, e haapii e e tamau i te mau haapiiraa no taua haapiiraa ra. Ia pauma tatou i te e'a, ia haamatahia na te taahiraa matamua e tae noa'tu i te hopea. O teie te e'a i haerehia e te mau Aposetolo, ia roaa mai ia ratou te mau mea no te Basileia, no te mea i te taima ta Iesu i maiti ia ratou ei Aposetolo, e ere ratou i te mau taata paari. Ua haapii Iesu ia ratou, ta tufaa, e ua faataa maitai Oia i te reira e te Semeio, e noa'tu i te reira, te tahi mau mea ta Iesu i haapii ia ratou, aita roa ratou i ite i te auraa. *Te haapii ra hoi oia i ta'na mau pipi, te na ô atura ia ratou, Ua tuhia te Tamaiti a te taata nei i te rima o te taata, e e taparahi pohe roa ratou ia'na; e ia oti i te taparahihia ra, e tia faahou ia oia i nia i te rui toru ra. Aita râ ratou i ite i te auraa i taua parau ra, e i mâta'u hoi ia ui atu ia'na. Mareko 9:31-32.*

Na teie parau i haapapu mai ia tatou e, aita ratou i ite i te auraa o te tahi mau parau a Iesu, e tae noa'tu i te tia-faahouraa o Iesu, i te taima Oia i fâ mai ia ratou, aita roa ratou i mana'o ua tia faahou o Iesu; ua mana'o ratou e, e Varua Oia, e tae noa'tu i te taima ua ite ratou i te puta i to'na avae e i to'na rima e ua tamaa Oia i pihaiho ia ratou. Luka 24:36-45.

No
ia rat
ua pa
Metu
Metu
faata
paura
na'na
hoi to
na ia
mea e
tai ia
i te u

E
te ira
reira
tei vai

Ua
mea
ia no
mara
e noaa
horoak
na nia
i te a'
28:9-1

Ua
na ro
mai i
te au
tamua
te haa
i te A

Noa'tu e, aita ratou i ite i te mau mea ta Iesu i haapii mai ia ratou, aita roa Oia i vaiiho atu ia ratou i roto i te poiri, ua parau Oia ia ratou: *Ia tae mai râ te Faaa'o no o mai i te Metua ra na'u e tonono mai, o te Varua parau mau no o oia i te Metua ra, na'na vau e faaite.* Ioane 15:26. Na te Faaa'o e faatamau i te mau mea haapiihia e e haapii faahou â i te mau paurau mau tumu. *Ia tae mai râ te Varua parau mau ra, na'na ia e aratai ia outou i te mau parau mau atoa ra; e ore hoi ta'na parau e riro na'na iho; o ta'na râ i faaroorâ, o ta'na ia e parau mai, e na'na hoi e faaite mai ia outou i te mau mea e tupu a muri atura.* Ioane 16:13. Na te Faaa'o e aratai ia ratou i roto i te îraa o te parau mau e e faaite ia ratou i te mau mea tei ore i tupu.

E tupu paha te hoê uiraa i roto i to tatou mana'o e, Eaha te îraa o te Parau Mau? Na te Buka Fafau e tatara mai i te reira. O te Parau Mau ra, o te ite ia i te mau mea e vai nei, te mau mea tei vai na, e te mau mea atoa o te tae mai. B. F. 93:24.

Ua ite tatou e, e mea tia ia ite te mau Aposetolo i te mau mea hohonu no te Ohipa a te Atua, e nahea te haapiiraa'tu ia noaa te ite ia ratou. Na te Peropheta ra na Isaia e haamaramama mai ia tatou i taua vahi ra. O vai te ite ia ratou? e noaa ia vai te ite ia ratou? e au i te tamarîi rii i mairi te û ra, e tei ore i horoahia te û ia ratou. Ua faaue e ua na nia iho i te faaue, ua faaue e ua na nia iho i te faaue: ua a'o e ua na nia iho i te a'o, ua a'o e ua na nia iho i te a'o: te tahi vahi iti i ò nei, e mai reira hoi ei ô te tahi vahi iti. Isaia 28:9-10.

Ua haapiihia ia, ia mairihia te û, oia hoi, ia bapetizohia na roto i te i'oa o Iesu, e te hoê tei ia'na te mana, e ua farîi mai i te Varua na roto i te tuuraa rima, e ia oti te reira mai te au i te parau a Paulo: E teie nei, e vaiiho noa'e na ite parau matamua o te Mesia ra, e haere â tatou i mua i te paari mau ra: eiaha râ ma te haamau faahou i te tumu ra i te tatarahapa i te ohipa pohe, e te faaroo i te Atua ra. Hebera 6:1.

E horoa mai anei te Atua, e a ore ra, te Varua Parau Mau i te ite e te paari, ia ore tatou e rave i te ohipa e e imi i te reira? Na ô maira te Peropheta ra o Iosepha SEMITA: Inaha, aore hoi i maramarama ia oe: ua mana'o oe e e horoa noa'tu vau ia oe, ia ore noa'tu ta oe ei haamana'o e, maori râ i te ani mai ia'u, area, inaha, e parau atu vau ia oe, e imi oe i te reira i roto i to oe aau; ei reira oe e ui mai ai ia'u e ua tia anei, e mai te mea e, ua tia ra, e faaatupu ia vau i te ahu i roto i to oe ouma, e na te reira e faaite ia oe e ua tia. Ia ore râ ia tia e ore ia mau huru e iteahia ia oe, e faatupu tiaruhihia ra oe, e na te reira e haamoe i te vahi hape; no reira, e ore e tia ia oe ia papai i te mea mo'a, maori râ ia horohiatu e au. B. F. 9:7-9. E ua ite au, o Ioane e, aore i roaa ia'na te îraa i te matamua ra, te noaa aroha râ o te aroha; e aita atoa i noaa ia'na te îraa i te matamua ra, ua haamau noa râ i te aroha no te aroha e ia taeahia e a'na te îraa. B. F. 9:12-12. E ua parau mai o Paulo; Tei reira hoi te parau-tia a te Atua i te faaroo i te faaiteraahia mai ei faaroora, mai tei papahia ra e, Te feia parau-tia i te faaroo ra, e ora ia. ROMA 1:17.

Te VARUA PARAU MAU, e ere ia na te mau Aposetolo ana'e, na tatou atoa ra mai te au i ta Petero i parau, i te mau taa-ta, i te mahana no te Penetekose. Ua parau atu oia ia ratou, ia tatarahapa e ia baptizohia e horohia mai ia te VARUA MAITAI. E ua parau faahou oia e: E tatarahapa, e ia baptizohia outou atoa i roto i te i'oa o Iesu Mesia ia matara te bara, e horohia mai ia te Varua Maitai ia outou. No outou hoi tei parauhia maira, e no to outou tamarii, e no te feia atoa hoi i te atea e ra, ta te Fatu ta to outou Atua e parau atu. OHIPA 2.38-39.

Ia imi tatou i te parau mau, e i teihea vahi e faufaahia'i tatou? E roaa mai ia tatou i te îraa o te mana mai tei faaitahia i muri nei: Te feia atoa râ i ite atu ia'na i te faaroora i to'na ra i'oa, homai ra oia i te mana ra ia ratou ei tamarii na te Atua. Ioane 1:12. Aore hoi e mea tapo'ihia, e ore e faaitahia; aore e mea moe, e ore i te itea. LUKA 12:2.

Tei te EKALESIA a IESU MESIA i TE FEIA MO'A i TE MAU MAHANA HOPEA NEI te *Varua Parau Mau*, e na roto i te reira te haapiihia nei te Evanelia a Iesu Mesia, e te hinaaro nei te EKALESIA ia aratai i te mau *Tamarii a te Atua* i roto i te maramarama.

Eita te taata e faaora oioi hia a'e i te noaraa ia'na te ite.


Te hanahana o te Atua, o te Ite ia.

Papathia e Le Roi Mallory

TO OROVARE Poheraa.

UA REVA a'enei to tatou taeae here, to tatou hoa Orometua o OROVARE nei. Ua haere oia i mua

i te aro o to'na Fatu no te faririi raa i te parahi-
raa i haapaohia
no'na ra. I teie
ava'e i mairi a'e
nei i pohe ai oia,
area ra, e mea
huru maoro a'e-
nei to'na tupu-
raa-hia i te mai.
E mea huru ê
roa hoi to'na
ma'i, mai tera
te huru, ua hae-



re te hoê ivi, i
to'na upoo, i te
pe, afaihia iho-
ra oia i te fare
ma'i ia tapuhia,
e ia iritihia tera
ra ivi. E maha
to'na tapuraa-
hia, aita ra e ra-
vea, pohe roa
ihora oia.

Ua tupu te
mana'o i roto i
to'u nei aau, e
mea maitai pa-

ha ia faaite atu i teie parau apî i to OROVARE mau hoa i te mau fenua moana na. E riro to'na mau hoa i Takaroa, Takapoto, Marokau, e vetahi atu â mau fenua Tuamotu i te oto ia'na. E haamana'ohia oia no te mau ohipa maitai ta'na i rave a parahi ai oia i te mau fenua Tuamotu. E reo maru to'na, e ua haapii haere oia i te himene i te mau vahi atoa. E hoa here oia no Tuhiva â Mohi, e e mea pinepine roa to'na faaiteraa'tu i te mau maitai no Tuhiva e ta'na ra vahine. Oia atoa te mau taata i Takaroa, e rave rahi to'na mau hoa i reira. E piti mahana i mua a'e i to'na poheraa ua faahiti oia i te i'oa o Pou â Temanaha, mai te parau e, tera ia te hoê taata maitai roa.

Te faaite atu nei au i teie mau parau ia outou, ia ite outou e, ua haamana'o noa hia outou e ana, e tae uoa'tu i to'na poheraa.

Aita o Orovare i faaipoipo. Mai te mahana i ho'i mai ai oia na Tahiti mai, ua haere tamau oia i te mau haapiiraa e rave rahi. Ua roaa ia'na te ite e te paari. Teie nei ra, ua pohe to tatou taeae here, e aita e ravea ia farerei faahou ia'na i teie oraraa nei.

Teie nei, eita to OROVARE reo maru e faaroo faahou-hia, no reira, mai te oto rahi i roto i to'u nei aau, te faaite atu nei au i to'na mana'o hopea, i te na ô raa e, *Ia ora na to'u mau taeae here i Tahiti, e i te mau fenua fatata mai, parahi mai te hau.*

Papathia e Ioane Oratona Orometua.

O ratou o tei hinaaro, i roto i to ratou mau aau, mai te faa-haehaa, ia faaara i te feia rave hara ia tatarahapa, ia faatoroa-hia ratou no te reira mana. B. F. 4: 3-4.

Te Tae Pitiraa Mai O Te Mesia.

U A TOHU mai te mau Peropheta o te Faufaa Tahito e te Faufaa Apī atoa hoi, i te huru o te TAE PITIRAA MAI o te Mesia i te ao nei. Area ra, noa'tu te papu o te mau tohu ra, te vai noa nei â te mana'o huru ê i nia iho i te reira.

Mai te au i te parau i papaihia i roto i te Iuda 1:14-15 tei na ô mai e: *O Enoha hoi te toohitu mai ia Adamu mai â o tei tohu ia i teie nei feia, i te na ôraa mai e, Inaha te haere mai na te Fatu, ma te ahuru atoa o te tausani o ta'na feia mo'a ra.* E te parau a te Mesia iho i roto i te Mataio 24:30, no to'na ho'i faahou-raa mai: *Ei reira e itea mai ai te tapao no te Tamaiti a te taata i nia i te ra'i ra; ei reira te mau fetii atoa o te fenua nei e oto ai, ia hi'o ratou i te Tamaiti a te taata i te haerea mai na nia i te ata o te ra'i ra, ma te mana e te hana-hana rahi.* Ua papu ia tatou e, e tae faahou mai te Mesia, area ra,—Afea ra? e a ore ra, I nafea ra?

Te vai nei te haapiiraa i nia i te ao nei e, ua tae mai to'na varua i te mahana Penetekose e tei reira to'na TAE PITIRAA mai. A feruri maite na tatou i nia i te reira, e i reira tatou e ite ai e, aita te reira haapiiraa i tia, no te mea: 1- Ua papai atu Paulo i te hoê parau i te mau Hebera, i te na ôraa e: *Oia atoa te Mesia, a hoê a'enei o'na pûpûraahia ei tusia ia hopoi é oia i te hara a te taata e rave rahi; e e fâ mai â oia o te piti ia o te fâraa mai, eiaha ei taraehara, ia ora râ te feia e tia i ia'na ra.* Hebera 9:28. Ua faaite papu roa o Paulo ia tatou e, te tia i noa ra te mau Aposetolo te TAE PITIRAA mai o te Mesia i te taimi i papaihia'i teie parau e Paulo ra, area râ, ua mairi te mahana Penetekose i reira. 2- I te taimi i ravehia'tu ai Oia i nia, ua parau maira na taata toopiti ma te ahu teatea, o tei tia noa i pihaiho ia ratou ra e: *E te mau*

taata o Galilea nei, eaha outou e tia noa'i e i tiatonu mārō ai i nia i te ra'i ra? o Iesu nei ā, tei ravehia a'enei i nia i te ra'i, e ho'i mai ia mai te reira atoa ra, mai ta outou i ite atu ia'na i te revaraa'tu i nia i te ra'i ra. Ohipa 1:11. Aita ā Oia i tae mai, mai te Varua e a ore ra, i te tahi atu ā mea. E tae mai ra Oia mai to'na huru i te taimē i reva'tu ai Oia.

I To'na TAE MATAMUA raa mai, ua tae mai Oia ma te mārū, ei Orometua, ei Haapii e ei Faaora. I te TAE PITI raa mai, e tae mai Oia ma te hanahana e te mana rahi, e ei haava i to te ao atoa nei. *E tae mai hoi te Tamaiti a te taata ma tana ra mau melahi atoa, e te hanahana o to'na ra Metua, ei reira oia e faautua mai ai i te taata atoa ia au i ta na ra ohipa.* Mataio 16:27.

E i teie taimē eita Oia e haere mai no te hoē tau poto noa, *E parahi tino mai hoi te Mesia ei arii i nia iho i te fenua nei, e e faaapihia hoi te fenua nei e e faaho'ihia mai to'na huru paradaiso ra.* te na reira maira te tai'oraa o te Hiroa Faa-roo numera 10

Ua papai o Ioane no nia i te feia parau-tia o te parahi i nia i te fenua nei i te TAE PITI raa mai o te Mesia, i te na ôraa e: *Parahi ihora ratou i o te Mesia ra, ma te hau atoa, e hoē a'era tausani matahiti.*

No reira, aita e nehenehe ia tatou ia mana'o e, ua tae mai te Mesia, area ra ia faaineine iatou no to'na TAE PITI raa mai e tia'i. *Inaha hoi, tei teie nei oraraa te taimē e faaineine te taata ia farerei i te Atua; oia ia, o te mahana ia, te mahana o teie nei oraraa, ia rave te taata i ta ratou ohipa.* Alama 34:32.

Papaihia e TURE Orometua.

TE HANAHANA O TE ATUA O TE ITE IA.

E tuatiraa teie nei parau.

Eaha te ite?

Ia haamana'o vau i te reira parau, e tupu te uiraa i roto ia'u e, ua papu anei ia tatou to'na auraa mau e to'na hohonu. Teie te auraa no te parau *Ite* i roto i te buka tatararaa:

Te lte o te mea ia tei faataa ê maitai te taata i te animala.

E hia i rotopu ia tatou nei tei feruri i nia i te auraa mau o taua parau ra? Ua farii tatou atoa i te parau mau ra e, tei te Atua te îraa o te lte, e na roto i te reira tei ia'na te mau mana atoa, e ua parau ia tatou e o te hoê ia tufaa no to'na mana e to'na hanahana.

Ua hau te lte i te Paari.

Te vai nei te hoê auraa hohonu roa a'e no taua parau ra i roto i te parau i heheuhia mai, i ta tatou iho i feruri. Mai te au i ta te Fatu iho tatararaa i te lte, te ite nei tatou e, e area rahi te vai nei i rotopu i te lte e te Paari. O te mata-mua ra, ua hau roa'tu oia i te piti e ua amuihia te reira i ro-ro ia'na e e auraa hohonu a'e to'na. Ua hau atu te lte i te tia ia tatou ia feruri e ia faaite i te parau mau. Te hanahana o te taata lte ra, tei roto ia i ta'na parau tia, aita oia i ite i te parau mau ana'e, ua faarave râ ia'na i roto i ta'na mau ohipa atoa.

Te lte ra o te maramarama ia e te parau mau.

Te mātā'u nei au i te faaroo noa outou i teie nei parau: 'Te hanahana o te Atua, o te lte ia', e eita tatou e tuati mai i te toe o te mana'o no te parau heheu. Te pae hopea o taua parau, o te tatararaa ia a te Fatu no taua parau ra o te lte. Teie taua mana'o ra: Te hanahana o te Atua, o te lte ia, e a ore ra te maramarama e te parau mau; e faarue te maramarama e te parau mau i te ino. B. F. 93:36-37.

Te tai'o atoa nei tatou i roto i te irava 29: I te Atua ra te taa-ta i te haamataraa, Aita te Ite, e a ore ra, te maramarama o te parau mau i hamanihia, e eita'toa e tia ia na reirahia.

Te Ite mau ra, o te maramarama e te parau mau ia tei vai noa mai te matamua mai â.

Eita te Ite e te Ino e vai i te vahi hoê.

E inaha, e faarue te Ite i te ino, e i reira eita ia raua e vai i te vahi hoê. E tia i te hoê taata ia riro ei taata paari e ei taata ino atoa hoi. E tia ia'na ia faarave i to'na paari no te faatupuraa i ta'na mau opuaraa iino. Te vai nei te reira huru i mua i to tatou aro i te mau mahana atoa, e na te reira parau mau i faatae i te Peropheta ra o Iosepha SEMITA ia parau:

Mai te mea te hinaaro nei outou i te haere i te vahi te reira te Atua, ia faariro ia outou ia outou iho mai te Atua, e a ore ra, ia vai ia outou te mau huru o te Atua, no te mea, ia ore ana'e tatou e haere i te Atua ra, te faa-atea ra ia tatou ia'na e te haere tia'tu ra tatou i te diabolō ra. Oia mau, te parahi nei au i rotopu i te mau huru taata atoa.

A fâfâ i to outou mau mafatu e a hi'o e ua faito anei outou i te Atua. Ua fâfâ vau i to'u mafatu e ua ite vau e, e mea tia ia'u ia tatarahapa vau i tau mau hara atoa.

Ahiri e mea tia ia parau mai te Atua, mai te ra'i mai, e faaue mai ia oia ia outou, eiaha e eia, eiaha e faaturi, eiaha e nounou, e eiaha e haavare, ia haapao râ i te mau vahi rii. Ia faaatea noa tatou i te Atua e ia haapao ore tatou, te haere noa'tura tatou i raro i te diabolō ra e te moe noa'tura to tatou ite, e ia ore to tatou ite, eita e tia ia faaorahia tatou, e ia i to tatou mau mafatu i te ino e te haapii noa ra tatou i te ino, aita ia e vahi toe, i roto i to tatou mafatu, no te maitai e te haapiiraa i te maitai. E ere anei te Atua i te mea maitai? Ia maitai atoa ia outou; mai te mea e mea haapao maitai, ia haapao maitai atoa ia outou. A taati atu i to outou faaroo i te mâtâ'u ore, e i te mâtâ'u ore te ite, e a imi i te mau mea maitai.

E mea tia ia tamâhia te Ekalesia, e te parau atu nei au, e enemî vau no te ino. Eita te taata e faaorahia na mua a'e te noaaraa te ite, no te mea, ia ore te ite e noaa ia'na e afaihia ia oia, e te hoê mana ino, i roto i te ao a muri atu, e inaha e hau atu te ite o te mau varua ino i to te tahi pae taa-ta o te ao nei e e rahi a'e to ratou mana. No reira e mea tia ia farii tatou i te heheuraa no te tautururaa ia tatou e ia horoa mai ia tatou te *Ite no te mau mea atoa no te Atua.* (Te mau a'oraa no Iosepha Semita 4:48.)

Te vai atura.

TE MAU PARAU API

Te Aivi ra o Cumora.

Te faaitēhia nei i roto i te ve'a na te Ekalesia, te huru no te aivi ra o Cumora i teie nei. Ua hōhia te reira e te Ekalesia i nā matahiti i mairi a'enei e ua faaunaunahia te reira i te mau raau e te tiare atoa hoi. Ia haere te taata na nia i te purumu tei na raro noa iho i taua aivi ra, e ite ratou i te i'oa ra o CUMORA i nia i taua aivi ra, e ua papaihia taua i'oa ra na roto i te tanuraa i te raau. Ia tae i te po e turamahia te Tii tei faatiahia ei haamana'oraa i te melahi ra o Moroni, e e itehia te reira i na maile e rave rahi; e turamhia te reira Tii i te mau po atoa o te matahiti.

I te hiti o te purumu ua tuuhia te hoē parau faaite tei na ô mai: Te aivi ra o CUMORA. I roto i teie aivi, na hanere matahiti i mairi a'enei, ua hunahia te mau api auro tei papaihia i nia iho te parau tuatapapa no te feia tahito tei parahi i nia i te fenua Amerika. I te 22 no Setepa 1827, ua hōroahia e te melahi ra o Moroni, te peropheta hopea no te ati Nephi tei papai i nia iho i te reira, te mau api auro ia Iosepha Semita tei iriti i te reira i roto i te reo Baratane na roto i te hōroa e te mana o te Atua.

Ua taatihia i nia i taua parau faaite ra, te tahi tei na ô mai: Te Buka a Moromona. E parau tuatapapa no te mau feia tahito tei parahi i nia i te fenua Amerika, tei ootihia i nia i te mau api auro e te Peropheta ra o Moromona. Na teie mau mea atoa e ume i te mata o te mau ratere e i te hopea ua tapea ratou e ua haere i nia i taua aivi ra no te ui i te parau haamaramama no nia i te Ekalesia; ua tai'ohia e 50.000 taata tei haere i nia i te aivi ra o Cumora i na ava'e ra e toru. Na te reira i faaitoito i te mau Orometua i te reira tufaa fenua, e e rave rahi te mau taata tei bapetizohia e ua faatiahia te hoē Amaa api i taua tufaa fenua ra. O te huru ia o Cumora i roto i to'na faaneheneheraahia.

Ua ani i te tauturu.

I te 24 no Tenuare i mairi a'enei, i te oire ra o Guriev, Rusia, ua painu e 1.800 taata ravaai na nia i te pape paari tei taa e i te fenua paari. No te puai o te matai e te miti ua painu ratou i tua e ua mana'ohia e ua pohe ratou, area e 8 mahana i muri iho ua tae mai ta ratou parau, na roto i te radio, e mea maitai ratou e e maa rahi ta ratou, oia hoi 1.400 puaahorofenua, tera ra te mātā'u noa ra ratou o te parari te pape paari, no reira ua ani ratou i te tauturu e ua tonohia te hoē pahī reva no te ini ia ratou.

Te hoê Episetole tahito.

I te ahuru no Febaure i mairi a'enei ua afaihia i roto i te fare vairaa buka no te Hau Amerika. i te oire ra i Washington, te parau matamua tei neneihia i roto i te fenua ra o Nebraska. Tana parau ra, o te Episetole ta Birigama Youne i haponi i te Ekalksia atoa i te 23 no Ditema 1847, i muri a'e i te tiahiraahia te Feia Mo'a i rapae i Navu. Ua neneihia te reira parau i nia i te machine neneiraa a te Ekalesia, tei afaihia, na Navu mai, i roto i te medebara e tae noa'tu i Roto Miti. Te parauhia nei e, e pae noa iho hoho'a no taua Episetole ra e toe nei, e tei roto ratou i te rima o te Ekalesia.

Ua tuuhia i rapae i te fare tapearaa.

I te oire ra o Muskogee, Amerika, ua tuuhia te taata ra o Andrew Coulter i rapaeau i te fare tapearaa no ta'na amu rahi i te maa. Te na ô maira te taata faatere i taua fare tapearaa ra: E taata arapoa nui mau oia, ua hi'opoahia e na ite matou e, e moni rahi roa te pau no te faaamuraa ia'na no reira ua tuu matou ia'na i rapae. Ua faautuahia oia e 50 tara utua e e 30 mahana tapearaa no te parau raa i te parau faufau i nia i te purumu.

Te mau ati i te mau fenua papaa.

I roto i te hoê ve'a no te 24 no Tenuare, te faaithehia mai nei e, no te puai o te toetoe i te tahi mau tufaa fenua no Amerika apatoerau, ua fifi roa te mau ohipa atoa e ua iti roa te arahu i te tahi mau oire e ua iti te 100 taata tei pohe roa i te toetoe.

I te oire ra o Rio de Janeiro, Amerika apatoa, ua farerei ia ratou i te ati veavea. Ua faaithehia e, no te puai o te veavea, ua tia noa i te taata ia farai i te huero moa i nia i te mau ofai no te purumu rahi o te oire.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.

No

tuata

i te h

i te oi

muel

te ten

roteta

Te

Camp

parau

matou

haapi

parau

mana